

改亭詩集

改亭集卷四

吳江計

東甫草著

男

從孫瓚全姪

默

嘉禾重校

編

五言排律

入國學觀禮聞雅頌應大司成教三十韻

右文開聖化左制表神京四海依皇極三宮潤太
平橋門真壯麗璧水自澄泓丹戶乾坤闢瑤堦海
嶽寧恭惟崇上序直欲冠天紘露裊金盤直風含
玉殿闔高松翔白鳳古柏結青雲鏞鼓東西列圭
璋先後呈居歆立坐迥陟降紫樞嶸法駕前臨幸
嵩呼夾道迎翠華承日月仙仗引公卿麗旭凝初

獻和鑾聽集成此時崇正學誰不賀文明盛事方
釐飭章程益淬精從遊多郭憲賜爵兩桓榮國藉
師臣重書傳子弟行丙科慚爾雅高第說先生緬
入成均日欣逢典禮誠升堂窺矩立肅拜想經橫
鱗次周璇室趨鏘滿繡楹何須効綿蕞俱似進蓬
瀛更荷升歌列遙聞象德聲颯颯來鳳管藹藹發
鸞笙清廟陳先烈嘉魚暢主情夏絃方學拊秋誦
已能賡泗水流無極東山雲自縈龍門誰不踐虎
坐獨心傾芳樹期敷澤奇花望錫名叩鐘知蕊弱
酌水識樽盈何日陪雲母光華徧 帝城

贈濟州太守李燮五

天入奎章近雲看泰岱隣扶輿環間氣正學昇斯
人琴響冰壺曙星從碧綬春仙根矜得姓聖域展
親民盤錯鋒逾利艱危氣益振勤勞銓注舊洞鑒
主恩新竹馬重迎葢棠華再覆綢公以史事赴撫
部審雪復任撫
循追召杜卓異比荀陳轉瞬題宸翰相將列要津
孔樽開欸洽禰刺笑逡巡抱玉來燕市登龍問涉
濱主能同賀監客愧竹溪身

八月十四夜同梁侍御日緝於許西山家對
月八韻

喜聞梁侍御待我子將家通謁忘修刺看雲已落
霞清樽陶旅夜真氣滿天涯靄靄遲明月沉沉起
暮笳高言窮十緯旁徑析三車不覺秋宵永微看
葉露加玉繩簷際直銀海望中斜明日朝天去青
驄散五花

贈嚴柱峰侍御兼呈灝亭先生

諤諤嚴都諫昌言蚤拜颺貽清承世德特簡自
先皇宸眷恩優渥綸褒意激揚卿雲旋爛熳萊舞
極輝煌令子隨騰躍登朝繼頡頏鳳池波灩灩蘭
佩玉鏘鏘紅藥迎莖露青梧映柏梁人稱真御史

公望本巖廊符采凌虹見論思抱獨藏匡時惟正
色尊主只封章國體資威重蒼生佇樂康何須
言必用已覺氣能張況是都俞切行看寵眷長從
容敷濺澤密勿悟當陽獨立三臺上相孚一德傍
此時瞻伊陟寧復羨裴王隔座移雲母趨庭並玉
堂人間誇蚤貴天際仰高翔何意泥中客欣依日
下光覽揆慚獻頌聊以代稱觴

八月初十日醵成張先生署中對月十韻

漸覺清輝滿流光解照人星稀河漢出月迥露華
新高宴娛今夕羈孤愧此身師懷投朗月秋氣絕

纖塵覽古悲銅雀書空對玉津芳醪三雅列藻鑑
兩河均繞啼烏鵲鄉思憶白蘋別因城柝急醉
藉馬蹄馴皎皎垂征袂沉沉似向晨天高悲宋玉
感激易傷神

送同年寧侍御按鹺兩淮

間氣邯山盛清風淦水長偉人生聖代正色啟
明良諫草烏臺上昌言玉殿傍稜稜看劒佩肅肅
動綬章沛澤先南國宣綸出尚方驄嘶隋苑月雲
護董祠香執法參乾曜釐姦走皂囊嘉謨惟裕國
勝算是矜商指顧開閭闔丰裁振紀綱泥中忝疇

昔翹首望清光

汪恪菴大令招遊女郎山次壁間李中麓太

常韻

飄飄遊子屐脉脉女郎山岫轉如迴抱煙低自往

還繁花綺陌暗愁黛遠峰閒帖地來飛燕迎風立

小蠻樓凭金屈戌水繞玉連環

繡江
水遠
山側

晴日應開

鏡春光好駐顏微蘭私有祝

山有
碧霞
祠祈
子輒
應

種杏共

誰攀

山有
藥王
廟

選勝凌無際羈懷託此間主人堪卓

魯詞客豈楊班興盡鄉心切清齋對八關

阻暑却寄張大叅十六韻

間氣來陽羨家聲冠帝京才華張協盛公望茂先
清簪筆青華署然藜碧玉城鴻文推大手王佐想
元精列戟辭中禁維藩裕國楨政成神爵集治最

御題明鳳沼還前席蓬瀛再濯纓泰階資上相

濺澤慰蒼生賤子販誠久環橋執業榮公叔父司成公予前

雍試拔竹林看令從蓉府畏名甥更忝南宮契公

第一紫來兼隨仲蔚行公弟泳侯先容求眊肱通

謁冀逢迎庶遂登龍願聊酬望嶽情蹉跎成熱容

惆悵隔霓旌未入襴衡刺難窺傳說羹因風陳悃

悃一顧欲長鳴

贈周櫟園觀察

昭代推文獻誰稱最鉅公先生真斗極士類仰鴻
濛著作商盤並經綸漢傑同精思穿溟滓偉節樹
崆峒六合收人表千秋味道融江淮底茂績閩海
振奇功肅紀持臺正司農裕國供艱危經百鍊孚
格只孤忠再秉青齊鉞還開建業宮欣欣從怙冒
藹藹近帡幪牛首巖威峙龍盤沛澤通伊予承塵
誨相贈滿書籠似挈雲霄上如依月旦中寸心輸
踊躍頑石待磨礪河曲觀如帶山高頌若嵩因風
寫遠憶湛湛有江楓

贈佟與京二十四韻

憶別清塵後，俄驚十六年。望湖明月夜，葛塢小春
天。白苧新聲合，紅兒舞袖連。華燈娛密坐，美髮艷
垂肩。主客心期洽，杯鐙禮數捐。此時遇知己，誰不
頌周旋。薦襦書相贈，推袁意獨堅。匆匆一分手，落
落各加鞭。君往趨章貢，予行滯趙燕。關情聞助喜，
遠望得深憐。詎意平江路相逢，挂席船遙呼。只片
語疾去，若飛烟晴樹。思無限，停雲念黯然。淮南空
寄詠，薊北枉投箋。自此疎芳訊，無從繼舊緣。今茲
欣把袂，昨復荷開筵。把臂如疇昔，升堂似偃佺。酒

因家秣好肴爲圃蔬妍畫手盆中具林嵐影外傳
何須虎頭壁絕勝米家顛與京蓄盆中擬畫家筆
法夜以燈照之影更妙
絕更許梅花發招尋杜曲前名園期極目逸興勉
重趼羈旅顏逾厚窮愁歲又遷平原真意氣繡像
祝豪賢

劉公定招遊郊園看桂花十韻

纔出郭門東天香送遠風名園近睥睨芳樹傍簾
櫳暇日軒車過初歸讌集同公定初從
燕京來客來三徑
外身坐萬花中亭映交枝碧杯移浸珀紅南皮遊
有數北海興無窮諸忘羈旅風流憶醉翁夕陽

宜遠眺秋氣落晴空並轡煙霞接微醺意氣通小
山探叢桂佳句滿梧桐

贈子登二十韻

論交周四序識子實非常意氣凌金石篇章辨漢
唐丰神真嶽嶽標格最昂昂六館推文伯三川見
大方扶搖不日近簡鍊暫時藏燕翼青箱秘鴻儀
碧漢翔伊予來上國握手露中腸得句相矜賞披
文共頡頏紀羣欣接跡養炬快同行東壁書容假
西湖興不忘爲歡馳酒密脫贈解衣長萋萋韶華
換勞勞景物忙孤懸當歲始椒頌及年芳春滿黃

金谷天新白玉堂二親方壯盛百祉正弘昌亂得
垂虹貴家迎夢日祥羽儀開健翮騰躍徧康莊道
以經綸裕功因啟沃良斯時數朋舊我亦附榮光
莫笑稱詩拙詩催笑侑觴

祝大叅方公二十韻

恢台當盛夏沆瀣正新秋恰值生申喜羣占瑞氣
浮家聲承相國德慶自饒州棣萼科同顯經綸望
獨優南天澄渤澥西塞洗戈矛幕府交章薦軍功
次第收茲來秉旌節指顧靖炎洲清比冰壺澈嚴
堪玉律侔矜黎沾雨露嘉穀滿田疇淳意消虞詐

和風足獻酬四知曩哲在三字古賢留烽火隣封
遠苞桑本計周會須從樹戟翔步列鳴騶帝念
勲庸懋民依怙冒悠旂常書姓氏鐘鼎勒謨猷履
卽登閭闔星寧制斗牛門生舊盧鄭賓客昔應劉
弘閣曾陪讌庾梅忝倚樓今辰欣介壽良日望從
遊愧少綏山獻空聞下澤謳

雲起樓聯句

併序

雲起樓者三韓吳公伯成爲錫山令時所砌
建者也樓居第九龍之麓踞陸子泉之上擁
神臯之秀麗含形勝之隲腴吐納風煙俯仰

陵谷喬柯蔽日醴泉歎雲遊觀之屐徧於極
遙臨登之歡得斯爲愜自昔浣沼之名曲水
之榭雖曩址可企而芳規蔑如使君自公之
餘賓客相從之暇以至四方揆藻之俊彥八
表扶質之偉人莫不聞風褰裳攜樽覓句王
仲宣之信美旣賦杜子美之騁目方新彤還
朝道經徘徊其下偶與計子共爲聯句凡二十
韻以紀勝情高山可仰情見乎詞若云簡知
我者不必寄元則先得我心是在作者吳門

繆彤序

郭抱青城麗山含碧澗幽

甫

五湖開景色八嶺踞

風流

念

土厚甘泉冽天高老樹秋淙淙看噴王

甫

歷歷共登樓騁望芙蓉入憑臨罨画收

念

朱薨何

嶽業紫氣欲颺颺靈秀占吳越

甫

空濛徧斗牛大

雲何處起此地偉人留

念

曉並朝瞰燦宵同銀漢

悠園輪呈象異

甫

旌蓋自天浮倒影凝三島垂光

映十洲使君真李郭

念

賓客亦應劉高宴相攜手

論文在上頭

甫

不殊袁紹飲何異謝公游逸興江

山助

念

交期翰墨投誰能升傑閣有不念雄謀

甫

北顧皇居迥南瞻旅思愁於焉整脂秣

念

一爲聽

興謳高密誠堪繼中牟足與儔甫豐碑他日勒應

樹比培塿念

贈同年杜肇餘學士三十韻

次李義山上杜僕射棕原韻

淑景開旋闕菁華映玉京積祥發鳳羽餘慶得星
精韋曲家聲舊城南世望清趨庭稱夙慧入塾著
吳聲水秀鴛鴦藻風和綺角楹江才花入夢越雋
鷗爲盟騏驎翔康步梓杼作上楨含章追陸贄得
句逼鍾嶸視草看聯第衝霄只一鳴紫微簪灩灩
黃閣珮行行有喜沾天酒承恩捧御羹澄心推澹
靜養疾轉和平學以書淫富經從左癖名人文河

洛盛賞識主司明縣圃香蘭茁藍田美璞生得賢
真有後循進順何爭甲帳陪 皇覽庚枋扈 帝
旌昌言功啟沃闕論意屏營進退無姬媵卣杯遠
醉醒蕭疎誰得似謹慎詎能驚卽此持身法應深
濟世情寒垂冬日暖霽放蚤雲晴帷幄資謨弼鹽
梅協俊英提高待新築燈聚快如城此日來游子
曩時識貴卿敢期門可掃尚冀騎爲迎眴眴邀河
潤吹噓藉玉成夕葵安負米曉鑑倚持衡墨飽貧
交荐田餘古硯耕獻詩當躋祝懷抱日縱橫

贈李湘北侍講二十韻

誰能扶正雅當代最推公健筆能深入虛懷愛折
衷才情況天授體勢自無窮著作將身等聲名豈
俗同推賢繼元禮擬古續文通一振蓬瀛色能令
鳳沼雄五雲垂翰藻七錄靜書籠御苑枝皆碧宮
堦藥自紅近天思獻替述祖自崇隆

時纂修
世祖實錄

燕許琅函掌班揚玉笋供經綸何壯濶衡鑑乃宗
工分校嚴題品澄清著辟雍奇才來叔夜談士得
符融六館人相慶逾年道已崇卽今瞻啓沃相與
望精忠不負平生志惟將學術充格心規十漸翼
主喻雙鴻勛業夔龍上交期許郭中掃門心有託

開閣展難容感哉遭青眼當筵賡國風

觀岷瞻射獵八韻

襜褕貂半臂結束愛身輕馬作飄風勢弓調礮礮
鳴合圍張陣脚列騎偃長城俊骨聯拳疾飢鷹獨
爪明飛毛憐雉兔灑血快狐鼯塵起雲林暗鞭收
大地清歸來吟四鐵豪宕發秦聲

高陽縣過故相國孫公宅十六韻

高陽名相地樞輔昔巡邊幕府搜朝傑軍咨得逸
賢鹿伯順鍾元風義峻茅止生宋獻孺武文全
太常孫徵君馳檄驕兵泣登陴信誓傳五城唾手復九塞抱頭

旋震主勲名重匡時荐劾先陰疑晉陽甲顯類令
公權戰氣空蕭索歸懷寄偃佺青蠅殿上集碧血
土中鮮湛族悲 梯榮賤褚淵門生多曲筆行

狀已喧闐陳壽書求賂丁儀事失編虞山雖竦峙

瀨水亦迴沿今日車過此能無意惘然

孫督師門下四傑曰

鹿孫宋茅錢牧老作督師行狀以有夙憾於宋盡削去宋事人皆爲不平故有陳壽丁儀之句

容城哭孫徵君十四韻

幸入徵君里徵君近已亡三號長夜半一慟短牆

旁絕學誰能任宗傳孰與商調停十一子證悟兩

三行弟子多英妙微言各自藏高明推上蔡

張米字冲

西沉毅得睢陽

湯斌號

予忝承親串

先生令子與家世父同爲

鹿門

曾無炷瓣香褰裳愁枳棘重繭畏河梁奕奕

蘇門峻悠悠衛水長如何通暮謁僅一拜匡牀

丙午

九月子至百泉值先生臥病僅一相見

廷叩鐘無應蠡斟海莫量沉

思逾歷歲結想再升堂豈料摧眉壽終爲掩劒銘
高山空仰望此意詎能忘

曉發固安至京師呈督學王公

寒雞鳴廣野曙色動徐輪淑景升丹闕平林擁玉
津苑牆天外直御宿口邊勻鼓吹旋龍節旌旄返
帝闔公忠輿論在謹慎主知真得駿燕金舊

羅珍趙璧新幕中慚庾杲物外契嚴遵愧少纖毫
報蓬心類野人

上梁大司徒公二十韻

喜見春將至欣逢介壽時東風吹管律南極照雲
楣調燮相須允元和正在茲梅花香徧院栢葉煖
盈卮升月光如璧融冰物漸滋篤生當此際名世
應昌期恒岳偕崧峻渟沱似帶奇夔龍專論道燕
許大摘辭曳履星辰躡成蹊桃李枝尚書四部貴
公歷戶禮兵刑四部尚書精白兩朝知舊秩原丞相新謨薄繭
絲自然存大體誰不倚揚睂藏富民生急蠲征

帝念之黃扉行贊贊綠綬坐垂垂有翼皆依鳳凡
鱗盡向螭躋堂稱自好開閣謁無私一顧增聲價
千間想具茨何來感恩者長獻獻新詩

贈龔伯通二十韻

白鳳丹山曉蒼蚪碧海春飛騰有時會需次亦威
神門望昌台重家聲斗舌振君宗漢李郭舊學魏
荀陳著作尊經術文章得雅馴堅凝看丰度敏慎
贊經綸專壹趨庭日勤劬侍疾辰焦然只操藥允
矣似忘身浣滌迷寒暑羣踰候夕晨同人聞孝謹
聖主眷元臣道以君親立天憐父子仁總持版

大節領袖祝斯人詎意招鴻乙翻成棄劇辛金臺
空突兀驥足奈逡巡憤懣從時論安恬樂我真但
知娛定省豈復歎沉淪宮柳東風屈官梅北極新
張燈開列炬進酒頌扶輪助喜應予輩歌詩愧野
民韋平行繼拜依戀隔清塵

再過棗強題官署壁擬寄吳大令

吳爲嘉興人

重來曾宿處惆悵不如前月黑求燈火人飢待粥
餽無門爭挂席有炭只多煙落月虛牕入酸風敗
壁穿空餘鼠婦在不待鹿牀眠豈是逢周黨還令
憶孝先逢迎禮可廢巖邑望空傳南極星雖見郎

官宿已愆莫飛三輔舄急棹五湖船春水鴛鴦濶
春深好種田

改亭集卷四終

改亭集卷五

吳江計 東甫草著

男 從孫瓚全姪嘉禾重校

七言律

南還

年年客髯愧津梁
失意偏悲客路長
去國轉深西苑夢
到家好枕北牕涼
何須山下祠黃石
會令齋前種白楊
底事關心那可說
啣杯惟有對斜陽

夜泊青縣

明滅漁燈出亂流
依稀戍鼓傍行舟
客程尚隔三千里
歸夢先踰十二樓
阮籍東園飛藿滿
羅含西

舍暮雲愁不知射策成何事長使高堂寄遠愁

贈陳其年

越嶠吳江極望中中年湖海任漂蓬布帆遙挂青
山雨橫笛哀傳野戍風河內琴樽佳客盡平陵松
柏霸圖空只今牢落江村裏目斷南雲泣數公

尤展成司李永平詩以贈之

虞廷兵法寄刑官吾友風流早據鞍晝挾朱絃移
瀚海暮隨驄馬按桑乾清秋鼓角開三協疊障雲
屏動七盤聞道玉壺常羽獵賦成回首卽長安

舟阻汶上次柳公廩韻答贈

長路相攜賴爾賢偶然投分卽忘年
清宵欲奏桓伊笛永日空停范蠡船
一片湖山愁裏月半江風雨客中筵
何時却立蘇臺上與子啣杯落照前

哭吳扶九先生

曲山溪流對夕陽孤舟繫纜一登堂
羊曇痛哭誰知己向秀悲歌只自傷
賸有遺書空滿架不堪稚子僅扶牀
幾年講席承恩地依舊梧桐覆短牆

山塘同人夜集

憔悴風塵第幾年每逢高會卽愴然
極知少壯當行樂無那繁華在別船
坐接櫻桃人是鄭歌殘長

缺客非田離堂此夜清秋月偏照愁人雙淚邊

將至都門有作寄侯研德陸麗京俞右吉諸

子

帝城隱隱接雲霄又見梯航萬國遙遂有黃金能
市駿不妨青海看橫鵬乘風搖曳三千里感舊淒
涼四十朝多少葫蘆長柄在忍將祠賦溷漁樵

寄內

我從春暮渡青淄憶汝深閨獨坐時膽小須教嬌
女伴啼痕莫遣老親知欲操井臼偏多病自寫平
安更不遲怪底池邊楊柳色年年風雨送離思

任邱旅壁見嚴方貽辛丑四月南歸醉題一

律次韻和之

醉題一字一沾中過客重看爲拂塵君已飛騰摩
日月我仍搖落度冬春新知定許無雙士舊恨同
憐有幾人子與方貽俱以陰字違式被落逆旅幢幢燈燄歇獨眠
土銍憶酸辛

濟上春雪堂作二首

我師持節領河渠淡靜丰神自有餘爲愛雙槐成
小築更移三徑就藏書署中舊有藏書精舍捲簾坐對青山
好入室應憐玉筍疎何幸得陪清暇日後堂絲竹

聽脚躡

憔悴風塵近半生師門依憩畫堂清曉看爽氣籠
佳樹晝擁森陰臥碧城靜裏自慚多過誤愁來何
以報生成拋書獨向池塘立片片花飛覆杜蘅

毘陵薛愔菴久寓平原茲遇兗州因作小詩
寄平原諸友

苦憶平原諸舊好八年不見近如何都無枯菴同
松柏幸各平安老薜蘿俗色北迷雙綵筆魚書南
隔五湖波偶逢薛據爲傳語司議風流兩地多

暑夜集李燮五太守署中兼贈其兩嗣君元

公和公暨館甥周靈園

中宵刻炬山巖城躍馬渾忘醉與醒夾岸牙橋迎
吐月半江波影動疎星主同元禮龍門迥客到臨
邛犢鼻輕把袂况看三俊在交期今日爲君傾

濟上喜陸生山宗從遊

翩翩年少客天涯忽漫相逢到絳紗豈有賦心傳
盛覽更無奇字與侯芭含毫應視西清草並馬期
看上苑花爾父只今飄泊甚待君早貴卽還家

宋中送丁飛濤祠部遊金陵兼寄周櫟園觀

察

客中送客倍關情況復炎天千里行擁篲幾人矜
意氣脫驂空自負平生雲開渦水征帆疾月落鐘
山旅恨輕若見周公逢吐握爲言賤子最心傾

贈侯仲衡

舊桃源令

淮南花縣舊逢君亂後功名付夕曛白恰懶充西
府客青細耽愛北山雲仙人陵谷看三換兄弟文
章自一生愧我飄蓬託廡下笛聲寥亮不堪聞

靜子歿各
十年餘

投贈呂減之比部

東也黃岡門下士

黃岡夫子戊子賢書出減之先生門

揭來千里拜

先生淵源敢負斯人託似續終期吾道行
畫永棘城開講席經傳司寇振家聲
東山况係蒼生望珍重當時忌獨清

哭侯朝宗

生前恨汝非知我死後慚予一慟君
今日風流推大手他時憑弔在遺文
馬蹄遠踏梁園雪劒氣遙橫少室雲
磨鏡相看千里外此中誰許結殷勤

奉呈張爾成先生次見贈韻

先生舊爲司業
今官河南少參

心隨飛鳥度間關却喜旌旗自北還
入座可憐仍楚璞挽鬚細與問燕山
人當搖落承恩易詩發公

餘覺政閒八月衡漳波漸濶三臺尚聽水潺湲

鄴城弔謝茂秦山人

鄴中懷古正秋風詞賦深慚謝氏工生欲移家辭

白雪

白雪樓李于鱗居也于鱗與茂秦中絕茂秦自臨清移家至鄴中

歿隨疑塚

對青楓諸王禮數何嘗絕七子交期竟不終自是
貴游多薄倖布衣未必歎飄蓬

將過蘇門山謁容城孫鍾元先生於夏峰莊

預爲投贈之作

曾於蒙叟先生集早識先生真我師壯歲匡時求
大俠晚年聞道好深思天中再聽蘇門嘯洛下重

吟擊壤詩千古斯人爭一綫擔簦百舍復何辭

秋興十二首

有序

予以畏暑臥病梁園三閱月至孟秋下浣
始渡黃花北發取道鶴城鹿臺客鄴良久
復從衛南渡入汴重九後七日返鄴留四
日至柏鄉留十餘日至藁城留五日爲孟
冬十一日秋氣盡矣因憶九秋客緒之苦
凄然太息乃歷敘途次情事得詩十二章
以告同志

凭欄日日望新秋秋至炎威尚未休偏側一身迷

去住艱難雙屐結窮愁瓜田屢報東陵熟菰米頻
看北苑浮見說侯嬴方伏軾心隨飛鳥到廬州

侯仲

衡訂諸同人
赴令肥會葬

遲遲殘暑復旬餘力疾慚登油壁車千古葵丘誇

劍佩

予渡河取道考城
卽古葵丘會盟處

一鞭秋色渡河渠茫茫不

解征人恨落落難安窮巷居何日俸錢營負郭斑
衣觀獲愛吾廬

大伾山脉到龍城同學瑯琊早著名

長垣王幼輿

疇昔

敦槃欣贈答只今羈旅愛逢迎蘭苕翡翠清新在
北海鯨魚興會生最是倩娘題壁句吳郎絕塞不

勝情

涿州族壁有金陵女子王倩娘絕句吾友吳漢槎筆也題詩百餘首山東三輔間多有之

幼輿有次韻諸作未詳其人予有書致之

衛河東瀉合淇漳魏滑分流下濮陽盡日塵埃厭

牛馬忽驚樹杪見帆檣吳人本愛乘舟逸秋水兼

看破浪長便欲脫驂求一葉津門濯足帝京旁

經過盧謝山人里

盧次樵家濬縣謝茂秦遷彰德相距二百里

一望淒

然淚眼中韋布自應呵二子才華未敢遜諸公

李王

向咏五子詩俱首茂秦後弇州四部稿以盧謝別爲二子云

韓陵荒壠埋衰草

玉女殘雲散碧空時會不來甘寂寂迴車何事哭

途窮

秋老西園厭客居良朋召我設鱸魚

安陽李大支根年丈

離酒態愁無定頃刻盤空更進餘纔觸鄉心憑半
七欲尋初服託三車砧聲處處催殘月耿耿明河
可照予

兩河輪輓下飛符憲府乘秋指汴都攬轡看山仍
挂頰從遊稽古只披圖天清野滌收秔稻日落沙
深叫蟪蛄夜靜淇流聲轉急同行畏虎劇相呼

大梁城堞控神臯再闢荆榛版築勞開府戒嚴聽

鼓角中原扼險壓河濤丁香九月開花徧桃葉三

秋結子牢

汴城九月中丁香盛開桃李結實

獨有信陵祠畔菊含

英裏露待登高

片片晴雲映大旂平原羽獵合長圍風毛眞愛飢
鷹疾雨血誰憐狡兔肥氣盡弓刀看火出酒闌人
馬望城歸菰蘆寒士尋常見獨坐陳橋送落暉

見說延津桑落酒清宵旅店強銜杯瓦盆醉客渾

延津周計百向有寄子詩甚佳

當世幾人

忘味縞素懷賢重溯洄
知駿骨入門何意妒奇才飲泉孔雀驚牛角去矣
宵中首不回

叢臺思作步虛詞乞枕仙翁拜石祠滾滾黃塵趨
北道層層青嶂暗西陲空壇夜靜聞天樂好夢香

深擁趙姬身世那堪憔悴久榮華原不羨多時
驅車曉入鄆城南已見清霜覆遠嵐瑞氣自凝丞
相府交情欲解故人驂華燈錦瑟逢開閣白鵲珠
盤快盍簪暇日郭門閒倚看西山爽色恣幽探

哭王恥古都諫二首

當年抱膝長椿寺幾度吟成謁後塵深穩可憐針
砭切粗豪獨許笑啼真先生每與子論文輒舉杜
詩深穩二字又云當今求
一粗豪人亦不易得每
愛甫草嘔笑自有真也誰知遭遇難齊物未必聲
名果遜人君旣遊仙子坐廢夜臺尊酒共誰親
先皇最亮先生直報國因忘盡瘁愚一自移官旋

臥病每從當食聽長吁青蒲碧血淋漓在白日丹
心想像孤更有十千淪落士感恩封事哭窮途先
曾拜疏爲江南紳士十
七年累誤一案昭雪

忽憶

建蘭茉莉一時開葉碧花香繞鏡臺乍喜晚粧爭
點綴最憐早起共徘徊涼生聽雨圍廊坐浴罷徵
歌錦瑟催最憶閒居堪遣悶浪遊何事不歸來

送隱巖禪師遊五臺

上人浪跡京華久結習仍愛清涼山朝隨鳥道放
雙腳暮聽猿啼臥九關手攜竹筇橫榔栗眼見括

柏堆煙鬢逢人莫說滹沱意花葉於今盡可刪

雨過見西鄰園色因憶家園口號

雨過天街見夕陽輕盈柳色露隣牆長條自愛臨
風舞深院何堪盡日藏若箇腰肢憐最瘦看來眉
黛儼成行故園久怨狂夫別念此誰能不斷腸

夜集巖旣方舟中

一別清塵十二年半生離合各紛然久拚邈隔如
南越愧爾招尋到北禪永夜嚴城催戍鼓寒江明
月湧歸船剪燈細話從前事轉眼雲泥劇可憐

廣陵旅次遇曹子仁悲喜交迫口占二首

三年血淚未曾乾今日逢君拭淚看顏面宛然夫子在家門誰念藐孤寒邗江舟楫悲空返楚國魚書恨寄難執手歸來清夜立旅魂無寐雨漫漫平齋侍坐渾如昨異數偏稱入室人負德可憐真潦倒辜恩不獨爲沉淪承家喜見傳經舊奕世應看肯構新明發有懷同惴惴幾時方顯報親身

追悼徐侍御僕陳啞子口號

并序

啞子從侍御於諸生孝廉時最勤苦予與侍御交情啞子見之尤詳歿十年矣茲謁侍御廣陵忽念啞子哭之以詩并示諸同學

久客邗溝絕可憐中宵憶汝忽潸然金明寺裏吹
糜日刑部街頭炙餅年病肺多時音漸失寄棺中
路骨難旋今朝汝若相隨在話舊猶能識數賢

贈登封令葉慕廬同年

中岳主人清且賢不辭游謁路三千未踰伊洛心
先淨纔過轆轤望欲仙八面峰巒隨一客四圍雲
樹壓雙肩爽鳩暫此飛鳬舄又見金闕早着鞭

答吳虎文

時在洛陽吳大令署

行旌遠送闔閭城西望葭葦百感生曾過虎牢同
蜀道也知雒邑舊神京春深鈴閣晨書靜星滿棐

堂夜色清誦子和詩知密意天涯兄弟有逢迎

立秋日有作與潁州諸同學

十年俯首嘆沉淪每到秋來倍愴神
戴笠不堪尋舊侶結鶉何以對衰親
桐風帶雨三更急潁水連天四望新
此地賢豪擅文筆誰爲賓戲慰羈人

公定齋中看菊次子登韻二首

年年此際看花新今日花間意有神
四座一樽招越客六詩三筆姓劉人
英餐歲宴秋將老氣入天高我不貧
况是謝庭多勝事寧芳啓秀興還頻
悠然又喜繞籬新帶雨攜根不損神
脉脉豈知身

是客蕭蕭惟愛影，依人滿頭徧插催。誰笑醉眼相看未，覺貧真羨風流劉夢得。雙懸綵筆唱酬頻。

別慧湖感賦

有序

去年盛夏慧湖主人招予看荷花，及秋冬間時時飲此，每更一節，候湖邊風景，卽殊感慨。繫之今復春矣，予行期已定，獨遊湖堤，言別紀之以詩。

春風吹浪湧晴湖，潋灩春光啟畫圖。隔歲芰荷飄斷梗，新年楊柳坐啼烏。堤邊小艇侵沙軟，檻外空亭落日孤。記得初來觴咏罷，夏雲秋草暗荒塗。

準提菴再贈恒印兼寄懷劉子淇病中

默默惺惺久客中
愛過禪室話宗風
震威一喝三生徹
暗築三拳一徑通
白雪庭前看隱見
紅輪城畔自西東
知公欲問維摩疾
擇菜搬柴意未工

夜示劉凡暨劉昂諸兄弟

紙牕煖閣一書帷
五夜明燈縱筆時
意絕筌蹄求獨悟
文從冰雪見深思
慚予搖落人皆棄
願爾飛揚自得師
憶昔高賢汝穎聚
京華猶羨利如錐

次倫諫原韻奉別

吾道從來不厭貧
子桑歌哭每兼旬
試看借面皆

如鵲誰想孤懷可似鶉賞譽雍容依許劭文章怪
怒想吳均青春握手譚離緒媿此勞勞亭畔人

爲丁生賦催粧詩

鄴下雙丁名並齊丁儀先讓弟雙栖定情宵永窗
難曙學畫眉長黛欲迷金鈿盒開香細細玉搔頭
顫語低低報劉有表他年事此日嘗羹好問妻

答寄公祿考功

多買名花到舊京桃根桃葉兩相迎筆牀翡翠吟
皆好硯匣鴛鴦句并清畫舫江淮消五夜春風絃
管醉三星感公行樂方無暇頻遣音書寄友生

別潁州張孝廉

清潁同年憶五人此來惟獨見君身
誰令意氣消磨盡自信文章尚有神
白晝縹緲供笑傲清宵霜月助酸辛
每思把臂難相值走筆書懷媿未申

再步盧家池

恨無一片韓陵石可與清言恣往還
幸有盧家衣帶水差堪吟眺破愁顏
少城雉堞臨疎影廢圃簷簷倚假山
拄頰我懷遊俠傳風流千載詎能攀

贈盧尚方

桓伊笛步漫逢君取次春江客袂分
自到卯金看

對字欲依鴻乙賦同羣青燈不墜青箱業白髮還
耽白練裙正好秋光醉叢桂避人何處北山雲

雞鳴

雞鳴喔喔出牆東起舞寒宵興不窮脫有微風吹
草澤能於遲暮見英雄胸中久矣驚餘子河內何
嘗僅數公牧豕平津開閣近年華意氣許相同

卽席代贈

一抹橫波媚欲流柳枝未許洛生求東東自昔呼
雙耳細細於今冠十洲急雨燈前杯底見畫船花
裏醉中留幾年薄倖揚州夢相對應憐汗漫遊

馬上倦甚欲臥恍惚見茗文贈予一絕句知
君風雨能相愛孤竹無忘田子春忽驚醒
遂失前二句

門無奴客只君家胸有藏書更可嘉別汝渡江真
短氣知予將母發長嗟斜陽馬上來殘蝶橫笛騶
前似暮笳驚失夢中投贈句子春意氣不須誇

子彛戲索贈句擬少陵拘體一律

胎簪先生才調集中有贈君數首詩以此卜居定
非俗果然傾蓋成相知雙槐明月共散誕三輔白
日同驅馳轉憶朱家謂菊廬幾時到論文勵志真吾

師

玉田道中

密雨蘭風發玉田徐無山下麥芊芊荷鋤屯已安
蕃漢激水人能種芋蓮烈士有名存廢壘

田疇城在邑城

北二里

聖朝無外撤防邊不須旌節脂車轄遊草

應無塞上篇

豐潤道中遇雨有作呈王公

玉塞征人零雨時金閨三婦正相思江南已厭黃
梅熟薊北方欣碧草滋龍額封侯空滿目雞林文
價有誰知感公真賞酬新句流水高山待子期

灤州道中與弘載同車有作

雨洗青山塞外看邊沙初靜野風寒莫愁夏日難
干役似爾晨行漸可安曲曲水光流細細班班車
響路漫漫最懷魏武曾經此賓客文章滿白檀

陳琳輩從魏
武西征至此

將至盧龍次沙河驛言懷

獵獵旌旗指大風行行車騎發天東盤山出谷高
低引急管橫笳曉夕同天子愈知文治重近臣
只畏簡書 追陪未有涓埃益簪筆何能效小忠
七月望後宣府偶成二首

四十年來事事非每於默坐淚沾衣高秋此日慚
生我垂老於今愛息機豪氣未除真害事壯心不
已欲何依最憐白髮高堂上拭眼登樓望子歸
又見天涯動客裝相從上谷發漁陽媯川城下河
沙白鎮朔樓前木葉黃七月風聲驕蟋蟀九邊雲
物暗牛羊不知飄泊何時了歲歲秋來憶故鄉

過昌平州望天壽山

下馬褰衣過此間酸風無地匿慚顏尚存日影諸
陵樹不散雲陰天壽山馬鬣仍搖朱汗濕魚燈欲
滅紫磷斑泥塗賤士空回首悵望龍髯不可攀

居庸關

岌嵒萬里扼幽燕中外纔通一線天
若飢鷹羣奮翮關如臥虎獨張拳
泉聲激石淙淙合樹色含雲漠漠連
自笑棄繻空老大布衣羞逐傳車旋

懷來城登樓

懷來城內有高樓四望山山繞薊邱
暖翠逼空疑日暮夏雲翳谷似清秋
六龍初返西征駕獨石長懸北固愁
衰草連天時極目不勞鐵騎控邊州

雞鳴驛讀王公和詩奉呈

雞鳴山色碧嶺岼山下桑乾河不乾
河走嵌空連

絕域山遮要害擁長安荷衣漸敝慚遊子藻鏡高
懸識上官况是銷兵文治奏不將載筆羨登壇

秋夜不寐戲爲放翁體

非貪杯酒求酩酊只愛昏昏得醉眠豈料易醒當
客睡錯將離緒怨秋天茫茫百歲攢孤枕隱隱三
星照舊瓊何日老農生計足挂書牛角去耕田

壬子除夕

千門爆竹響聲闌倦客京華獨悄然賴有空文娛
白日忍無真意答蒼天買臣晚達須論命伯玉知
非豈待年最是家園今日裏老親雙眼爲誰穿

上馮相公二首

相公清望冠天朝
帝眷崇隆肅百僚
保泰萬年經緯密
匡時五夜論思遙
襟期磊落依丹陛
風度從容在絳霄
弟子當時承賞識
每思觀禮到圓橋

薦賢報國從來急
此意於今久不聞
一疏吾師真謬謬
普天人士盡欣欣
柏臺已見青蒲節
梧葉還騰白鳳文
時魏侍御成黃門皆有建白俱公所特薦士
共贊昇平祝元輔
何須綠玉慰忠勤

答李劬菴二首次原韻

王李從來愛卜隣孟韓相見豈嫌身

孟郊詩衆裏自嫌身已

如老驥還嘶夜各有衰親失省晨客路浮雲從放

誕文章小道最清真憑君獨信春風好鬪酒藏鈎

我勝頻

獨有春風慰寂寥飭菴近句也

東南我亦呼談士西北知君最快才同向天涯搖

臘扇更於何處爆寒灰宣城俱道相推重

愚山濟先生

上多慚遽別廻

甲辰濟州相別忽遽

轉眼淒然十年事黃金

空見舊高臺

贈劉宣人編修

曩時同舉思依依十載雲泥相見稀誰念子桑能

裹飯君憐范叔久無衣論交喜見新篇好閱世翻
疑古道非翹首黃扉看入相平津閣下客如歸

送杜子靜太史還里

三十年前曹侍郎

秋岳先生

稱公才調比班揚到門愧

未窺雙戟聽雨時聞隔一牆

予久住宋侍郎蓼天寓與杜僅隔垣鳳

沼晴光雲欲紫龍池春色柳初黃如何暫乞東山

屐點綴平泉近贊皇

杜家與柏鄉相公最近

卽席贈許錦文

于王侍郎子

師門恩義經三世感舊脩然愧此身述祖韋賢詩
句好伴翁宗武賦才新樽開寒夜難辭醉語向通

家不厭真何日涓埃能自効高歌黃雀一沾巾

閨七夕有作

夢雨初晴試錦梭
迴風催渡又凌波
慣看離合尋常事
不愛相逢倏忽多
天上曉籌遲白帝
人間歸思怯黃河
十年前憶當今夕
客睡蘆中喚奈何

壽菊廬詩四首

有序

予自識菊廬後相酬贈以文各三四首予生日菊廬復爲序贈予茲菊廬壽辰因賀以詩顧菊廬於詩體最愛其鄉竟陵派予擬爲之終不似自念予吳人何不亦倣我鄉牧老人

所云四體詩乎然予遠不及中麓近不逮元
恭乃下而倣少微怡荆二體以博同人一笑
倘不知予者謂予張東礪之幟予則何敢承
也

菊花開日先生壽始信先生號菊廬花挾涼風香
淡遠人含秋氣致蕭疎入山耐可依虓虎

此菊廬
雙修堂

讀書
事也

避俗應嫌佩玉魚底急京華曾兩至關心只

爲故交書

山青眼白見洪山水落巴湖艇子還庭有寒光翳
老柏門無熱客惱垂環著書何必求人解采藥先

須駐母顏忽漫高言天下事巢由管葛絕追攀

七國翻從三國留

時同歷古燕趙魏地

風塵二載共三秋包

容恕我真狂客懶慢知予已倦遊曉發喜憑車轂
轉宵行畏聽水聲悠

謂夜渡漳河

勞勞行李頻相惜孔

雀何心更觸牛

先生清譽接江離屈宋鍾譚並謫師述作不分皆
大手古今相望可同時華陽雲起迷丹壑綺里泉
聲長紫芝遮莫眉軒徵入對蒼生延領待礮辭

月夜代蘄水姚九兄送友之揚州

送君邗上帶吳鉤正值漳河水涸流銅雀臺荒芳

樹老虞姬祠冷斷雲愁方期綉被同清夜忽漫雕
鞍隔暮秋明月四更人不寐遙憐上馬更迴頭

代友答姚九兄次前韻

公子翩翩佩玉鈎十年心誓指江流楚天雲雨誰
同夢燕市風塵互送愁君昨西征纔觸暑儂今東
去又悲秋客中頻作銷魂別明月何當照並頭

九月魏博次杜陵夔州九日韻

依人隨處伶俜住九日空懷戲馬臺河朔最逢秋
氣早江天獨望暮雲開白衣酒至愁難醉皂帽風
吹着復來采菊插萸都不問燈殘投筆淚相催

院中秋老角聲催仰視鴻飛歛翼廻一寸心爲趨
府盡杜詩白頭趨幕府百端愁自倚間來人因歸夢常迷
路節是登高未有臺此地風流憐鄴下使君餘子
共啣杯

發衡水至深州

兩手皸瘃絕可憐淒風割面勝戈鋌奔車迅疾防
高下結伴參差有後先清旭起時人尚臥斜陽落
處馬方前空勞皮骨求仁粟難賣空文買薄田
一杯酒力酣三里十載愁心動五更天下荒唐齊
稷下半生迂鈍魯諸生灰吹至後仍寒谷月黑天

中憶火城每對寒空懷舊友高山麋鹿詎忘情
同雲三日雪不下却望長林見夕陽難定陰晴任
真宰敢將冷暖問東皇平岡野燒迴風紫深谷層
冰射日黃苦憶家山今日好梅花細蕊半山塘

排悶

枯桑淅瀝吹寒風城柝斷續隨疎鐘月黑轉見明
星密霜黃翻覺高天空心痛遙疑母嚙指客久可
憐裘蒙茸家書九月杳不得夢魂夜夜五湖東

次吳廬學使贈古古丈二首

濟時賢相結心知先後論交更不疑

古古先識深
陽相公于諸

生落魄時又七十老人餘劒氣八千遠道訪峨眉
與吳廬訂交壯懷寧裏沙塲骨多事羞吟角里芝爲有江安疇
昔約不辭冰雪赴相期

匹馬長鞭手自攜九邊懷古重淒淒受降城上黃
河轉蘇武臺前白雁飛錯莫誰憐無主驥能鳴終
愧失晨雞賞音最喜忘形跡出處同登萬丈梯

通政張公拜

御賜黃白魚麋鹿等物召

東

共食卽席限韻四首

立雪師門二十年今來頻喜侍樽前忽驚異饌登
三品知有恩頒自九天推食後堂傳弟子分甘同

開集諸賢感恩獨有蘆中士爛醉寒宵意惘然
納言高步入金門每飯時時戴國恩山海擊鮮本
禹貢君臣一氣接堯樽燈明私邸迎新臘月見初
弦得舊痕何日和羹瞻上相小人桑下受壺飧
何幸身依萬仞牆曲江風度冠岩廊對人豁達無
城府治具從容出尚方共醉不知周與蝶獨醒寧
問鹿邊麀忘形潦倒師恩厚許看梅花再舉觴
朝班宛宛佩緋魚拜賜天廚食有餘玉海躍鱗疑
島嶼金盤充筯當園蔬烹來漢殿三公釜飽去馮
生上客車翻笑歲星先割肉歸歟只就細君居

因侯使君至臨清寄柳公隆

侯係秦中人

不見柳開已十年別來消息久茫然
最悲遲暮猶彈鋏那得微風共着鞭
水接山東人在望秋殘河北月空圓
寄書爲乞咸陽叟淚濕青燈叢菊前

雨中家居喜李山顏令子約山枉顧草堂有
作兼贈山顏次賀葉星期韻

遠歸暫喜臥江村急雨連朝野外昏
方共老妻嘗菊酒最宜好友到蓬門
通家孔李情偏切養子孫劉話並存
何日寒灰看復熱阿翁鞭弭過中原

改亭集卷五終

改亭集卷六

吳江計 東南草著

男 從孫璣全姪嘉禾重校編

七言絕句

馬上吟 有序

予以甲午年冬十月杪出門先至中州遂入
燕臺於時嚴寒戒塗一鞭獨發觸緒多愁漫
擬少陵口號以遣意却寄我吳諸同志

去年北上及三春况是扁舟有故人
謂嚴今日衝寒歌遠道馬蹄霜雪爲誰親

容易辭家到帝州北門聊避室人愁田園正是須

錢買那得貧來不浪遊

南譙山氣接雲高志業空懷祖逖豪他日中原開
氣象肯令絳灌笑吾曹

鵲血新調五石弓輕裘飛騎逐生縱道逢年少三
河客笑指娼家唱惱公

盤山入谷厭高低盡日煙巒望欲迷何處羈懷最
搖落白雲一片夕陽西

曉日高高照客鞍清霜灑袖未曾乾遙憐綺閣明
窗下大婦粧成小婦看

野燒高原極望紅寒郊暫喜一相逢多慚孺子因

人熱夢到臯橋歎轉蓬

棗樹扶疎夾道栽衝風一騎入林來江南此樹何
曾識纂纂歌成淚暗催

永夜閒聽旅寺鐘繩牀輾轉意無窮五更牽馬出
門去身在霜華月影中

漸遠家鄉強自寬但逢好景只盤桓青青最愛西
山柏立馬中峯拄頰看

代述怨辭四首

可喜盈盈十五餘迴風初動合歡裾無情遽折將
離草腸斷瑯琊王伯輿

子夜蒼茫欲曙時
牽衣密密問歸期
狂夫謾約三年別
桃葉桃根總不知

等閒送上別離船
不解相思是可憐
偷看大家粧鏡裏
朝來無復愛花鈿

何日生男字阿侯
坐看河水向東流
空房旣許陪清畫
魚尾何煩怨白頭

豫讓橋

順德道中

秋盡蓬山慙不驕
流泉夾岸夕陽遙
傷心國士酬恩地
瘦馬單衫豫讓橋

湯陰道中絕句四首

柳廊一望碧煙齊策馬郊原古道低不見長條解
搖曳故園南憶轉淒迷

荒祠寂寞對悲風古碣重題嵇侍中最恨彈琴東
市日錯將六尺寄山公

太行山色青無際林慮縈迴似碧城莫怪岩棲司
馬客銅駝荒草不關情

鵬舉先生儒將風譚經奉母最雍容挽強每念師
恩厚杯酒常澆鵲血弓

感舊四首贈史三兄

禪智庵頭別劍芒青春紅淚灑宮牆重逢小阮譚

疇昔身是君家舊孔璋

桃花米熟伴枯魚參坐欣然一飽餘見說相公猶未食何郎泣獻袖中書

二十三年存歿情無端感舊淚縱橫廣陵八月潮來急似聽登陴嗚咽聲

上書請駐馬馱沙一線吳天未足誇不用便從黃石去禹陵風雨下靈蛇

見西隣柳色因作憶家園口號再戲爲一絕
愁絕沉吟愛此詩詩稱半格少人知當今才子王貽上秋柳真成絕妙辭

沈繹堂憲副招同諸公宴集卽席和陳亂倩

十四首

燕市悲歌復暮春夕陽花下未歸人
風流剩有休文在折簡招尋不厭頻

坐客誰非第一流譚經說劍總銷憂
逢人莫怪偏憔悴十載京華避貴遊

袞袞諸賢半少微曳裾到處有光輝
憐予岐路空更轍依舊長安一布衣

歲歲攀條泣柳枝長吟杜老怕春詩
燈紅月黑人俱醉我獨傷心對酒卮

皓首朱顏望若仙雙瞳巖電照當筵那堪醇酒三

升後話盡風波四十年

沛縣閻古古

悠悠深懼負師門楚客相逢每斷魂與問黃岡身

後事春星當戶已黃昏

楚黃劉千里

病起消中近若何青精大藥未蹉跎停杯不飲緣

何事此酒相傳易水多

白門紀伯紫

執友於今有幾人喜逢帝里侍綸巾鴛鴦河畔春

風急應憶晴天理釣緡

嘉禾俞右吉

曾過梁宋詢耆舊侍御精靈尚可招幾向樽前看

令弟家聲不忝在雲霄

西泠陳亂倩

短褐淮南得小山金門大隱試追攀何殊遠駕陶

元亮東海歸來蚤閉關

寶應陶深季

哭癖名高同學中期期丹竈話朦朧生年已過朱

翁子懷綬何時得自雄

婁東周子俶

午夢堂前荒草長能詩家婢散何方八龍獨有慈

明在搖落京華淚數行

汾湖葉星期

海燕窺簾柳絮飛鳳凰池上望春暉何當三戟趨

朝日再聽朝元晝漏稀

繹堂憲副

阿兄蓮幕久留燕小弟蓬飄更可憐攜手高梁橋

上坐探春花謝又今年

家兄子山

戊申首春廣陵旅次潁州寧伊庵司法招同
張玉甲大叅泛舟平山堂宴集曉歸口占

八首

客裏招尋北郭遊清樽茗椀木蘭舟亦知勝集非
容易判醉東風一散愁

晴雲斜日渡紅橋婀娜隨人是柳條却憶故園芳
草碧幾經秉燭待春宵

放櫂緣溪登眺宜竹西遺跡總迷離隔江惟有青
山色似與諸姬寫黛眉

興廢何常自惘然平山堂內列金仙三車莫漫逢

僧問但汲人間第五泉

錦瑟哀笳競晚風
榜人斜刺落霞中
船頭火樹頻催放
映徹春星箇箇紅

荆益旌麾並舫回
維揚煙月共徘徊
三州總向長江合
滾滾波流日夜催

廣平健筆賦梅花
詩興還如東閣賒
更有倦遊裘馬客
思歸不獨戀京華

奇章意氣原難有
杜牧清狂今亦無
好繼當時賢主客
能傳佳話與江都

聽隔牆搗箏聲忽憶二首

張弦捉柱出新聲楊柳風吹客夢醒惱殺春光開
碧玉空房錦瑟不勝情

小令每聞彈月子調絃最愛弄青陽敢言絕技能
排悶一曲花前也斷腸

月子彎彎青陽
扇子皆小曲也

婁東王奉常招集某公園亭遇蘇崑生有感
舊事卽席成二首

二十四年前此日布帆曾共楚天游朱門燈下重
相見不道何堪已白頭

當時急難在龍門楚客秦庭欲斷魂風義只今搖
落盡新聲美酒又黃昏

廣陵喜晤王奉常煙客先生口占二絕

誰念先朝老侍常

用何大復句

扁舟風雨泊維揚興衰

閱盡渾無意對酒當歌也不妨

渥丹顏色語洪鐘嶽嶽丰標似老松
羈旅幸逢牀下拜高陽久已識羣龍

送胡翹羽同年六首

去年冰雪滿天涯病馬衝寒客路賒
今日邗江看北發正逢炎暑又還家

燕山越水困風塵萬事艱難只一身
連歲父兄相繼盡兩眶血淚向何人

長椿寺裏論文日轉眼榮枯變幻同翻怪離筵今夜月升沉不改舊虛空

絳紗弟子冠神羊感舊沉吟也不妨釀蜜十年蜂力盡誰將甘旨問蜂房

還家何物足銷愁卷卷圖書次第收但得此心常警策橫經到處有高樓

我今負米歎蕭然相送含悽各早旋明到潤州頻

北望知君飲馬在甘泉

甘泉山在揚州北三十里

哭宋迨之絕句十首呈座主宋中允公

署夜空庭倚徙餘我師珍重寄音書開緘知有西

河痛老淚遙看點客裾

時座主客武塘

吾兄年少氣凌雲說劍論文總不羣
一自遭逢多難後十年消息不相聞

從來泛駕豈凡材璞玉須人泣血開踪跡半同田

水月表章還望賞音來

迨之往年被禍事類徐文長

去秋握手在都門意氣相期似弟兄
側耳深談惟悔過此心終不負親恩

庭訓雖然凜若霜憐才歷歷辨諸郎
兄詩何句師

真賞裏飯人誰問子桑

鄉袍君自羞須賈裏飯人誰問子桑迨之警句也東

誦師領之

已看桑戶返於真我愧琴張涕淚新最憶汝軒梅

樹下青精美酒勸愁人

汝軒追之讀書處也

每日侵晨庭院前攢眉親病久難痊今知得請將

身代親壽應添一萬年

追之苦師病未愈今四月望語東曰弟已聾廢願以

此生代父未知得請於帝否東念及準兒事爲泣然久之

畫舸蒲帆出郭橋送行扶病意蕭蕭南街不及從

君別空負今朝賦小招

生男旣恨難存育視歛偏離賢父兄怪底柳州明

月夜高臺妖夢最分明

六月十五夜東宿武塘夢一人指塘上高處曰此爾

師思子臺也越七日追之凶問至

哭兒絕作許婁東太僕遺言記憶中

師云先公極口王文肅哭

子辰玉文

俛仰一身雙淚迸哭兒未了又思翁

同李武曾遊金陵雨花臺木末亭二首

攜手晴郊登眺同歲寒心事倚長松舊京無限低
徊意只在空濛山水中

方景祠前煙樹平樞衣登謁淚縱橫傳聞三十年
前語此地春風草不生

汝陰劉將軍招飲慧湖才首

日日書齋作蠹魚雙梧永晝伴離居欣看折簡招
羈客躍馬荒郊興有餘

長林宛宛大堤東。消暑披襟倚碧空。列帳閒庭多
氣象。樽開三雅舊雄風。

感舊傷心三十年。淮南遺事話淒然。不須重唱開
元曲。瓜滿東陵最可憐。

大樹森森近蚤秋。叢篁低碧映紅流。啣杯獨有含
情處。醉眼無須喚莫愁。

刺舟身在芰荷中。香送千花亂眼紅。忽憶江南採
蓮曲。歸心千里逐飛蓬。

望衡遙對一洲平。放棹招尋縱客情。已見西城啣
落日。隔江猶聽管絃聲。

清潁風流憶大蘇
慧湖何減舊西湖
考功當日棲遲處
十載林泉是壯圖

公職爲孝廉時
曾讀書于此

鬪酒藏鈎肯便辭
碧筒河朔正當時
莫嫌教授陳無已
調笑風塵總不知

潁州無事獨無山
指點遙青楚豫間
何處孤雲如疊嶂
尚疑身在古函關

月滿前溪促馬蹄
嚴城暮鼓醉中迷
醒來依舊閒庭坐
大火中宵漸向西

劉子登招飲四首

夏木陰陰對宇深
每思捉麈一論心
不辭三伏逢

袁飲潦倒星移醉後參

一室幽香待女花
羈懷相見發長嗟
我家萬朶千

枝裏那得今宵夢
到家

蘭號待女

九畹風清自絕倫
炎蒸相對倍含神
北窗睡起攤書坐
別有清涼解贈人

鬢華末麗同晨起
含笑渠那共夕遊
遙憶故園無限好
摘來應徧牡丹頭

對蘭有感再成四首

愛蘭苦癖半生餘
種得幽香滿敝廬
相憶不堪頻作客
相思不覺淚盈裾

碧玉數花推妙手永和護蕊最安祥誰能根葉搜
蟣蝨老去飛瓊也擅塲

北堂永日坐花前三婦司花共儼然低撥嬌絲齊
度曲白頭微醉午餘天

負米年年歎倦遊倚闌老淚裏雙眸何時粗足供
衣食堅坐江村老陌頭

立秋前一日子僑招飲池亭五首

曲沼方塘一水間盈盈不盡望中間幾疑野竹當
叢桂欲借城頭作小山

榭亭主客坐中央水檻風來四面涼那得扁舟雙

蕩槩吳兒一曲起滄浪

銀絲舉網得魚鮮
潑刺煙波興渺然
明月秋風吹客夢
蓴鱸遙憶五湖邊

水面看生綺縠文
蟬聲徧向夕陽聞
黃公壚畔儂先醉
蕉葉知難敵數君

折向樽前只幾枝
芙蓉還憶涉江時
欣賞蓮子知憐汝
偷餉櫻桃人未知

七夕飲甯筆公劉子端家四首

玉繩遙接碧陰長
共說天孫罷七襄
令節但逢良宴會
不妨今夕暫他鄉

烏鵲爲梁駕玉河年年辛苦助凌波傷心三匝南
飛伴仰視黃姑喚若何

秋蟲入夜發哀鳴促織偏催嬾婦驚此際雙星方
入夢不勞淒切感離情

無奈羈愁作惱翁相攜子夜只奚童生平不解餘
桃味調笑深慚負數公

送甯益賢筆公至湖湘四首

客裏看人去故鄉不堪離恨夜方長秋風嫋嫋同
三楚歲宴相思共一觴

竹林才調喜同時遠道相攜慰所思一路江楓迎

短棹嗣宗先賦咏懷詩

挂席澄江風正安坐看如練夜吟闌石梁舊有仙人跡鼓瑟湘靈聽未殘

雲物三湘近五谿倚間負米各情迷渭陽珍重過

歸句青草湖邊漸向西

子登爲筆
公母舅也

贈恒印和尚三首

時同人集蓼花洲予卽席
口占和者三十人另有倡

和一
編

蓼花洲畔柳芊芊風起秋江葉滿天今夜四更殘
月裏一帆歸夢滿吳船

何處山僧拄杖頭笛吹無孔最風流欲將一片梧

桐葉落盡空山萬樹秋

荳子青青荳葉黃誰家種荳苦匆忙冷灰荳爆知
何日稽首皈依大法王

庚戌冬夜排悶四首

黑風吹雪滿簷前歸對孤檠慘不眠手撥紅爐看
炭盡一床冷絮夜如年

那得荒雞叫一聲細聽戍鼓正三更虛窗生白疑
天曙却是庭中映雪明

潁州寒氣勝蘇州童語傷心淚暗流此夜高堂應
憶遠閒呼兒女話窮愁

凶歲無衣萬萬人溝中瘠骨路旁塵吾生雖是長
貧賤猶爲蒼生愧此身

和汪鈍翁歲暮雜咏十二首

索游意氣爲誰雄暫息風塵心似蓬聖世經綸公
等在天山久已挂雕弓

負米羞看舞袖斑荷鋤驅犢過溪灣清霜落盡枯
楊葉遙見吳興一片山

寒月空高吐半輪冬乾舟楫具區濱苦尋柴米過
殘臘不少歡顏對老人

壯志中年歎屢更沉埋心跡忌雙清老拳且乞容

雞肋苦溺寒灰太忍生

誰能好我賦同車戢影荒村興有餘
夜半撥爐燒
芋栗閒看兒女學攤書

側足敢求燕玉煖辟寒應問木棉花
無眠處處聞
春米願祝比隣盡富家

苦無一物答年新老杜吟詩最怕春
村僻幸迷車
馬跡賀年往返只南隣

樓畔梅花漸次開疎枝冷蕊亦宜哉
登樓我獨倚
欄牖不許傍人一箇來

度歲漫誇添一歲書倉不必問千倉
揮杯一覺麴

勦了怕見周公揖客忙

莫逢俗物話孤蹤豈戀深山屢杖筇不信試開天
畔眼閒雲不落有無中

辛盤艸艸進初筵奉母權爲歲事牽椎髻蓬頭看
自好勝他冠蓋客天邊

詞塲懶樹先登幟廡下甘爲雜作傭但伴玉遮相
送老城西風雨獨遲儂

盧龍客邸與楚友述往事因追悼亡友梅惠

連黃敬渝曹石霞王亦世得四截句

存一

交期轉覺童時好懷舊空存善哭身半夜邊風吹

客起不知落月照何人

偶題

邊城六月似深秋曉起呼童着敝裘寄語老親知
未信家書昨夢到南樓

卽席口號送侯明府歸秦中四首

相送西歸手復分三千客路對斜曛到家酒醉梨
花白應話天涯李使君

謂岷瞻梨花白
秦中酒名也

坐中箇箇思歸客裘馬君歸羨獨先明入潼關冬
至後好看晴雪華山前

華陰才子王山史

弘文

采縱橫燕市中數載音書

怨寥濶憑君傳語憶飄蓬

富平奇士李天生

因篤

長律於今最橫行此是爾鄉

才第一莫因相近失逢迎

遇陳藹公三首

驚坐名成羨爾強文章差許獨蒼涼可堪三度漁
陽道立馬相看只路傍

昨年貽我一長歌文舉胸懷感慨多兒子世間誰
得似大兒無奈小兒何

昏夜車行黑道中念君獨自倚寒風感恩只爲迎
知己今古英雄此意同

藹公爲吳廬先生首拔士
每按部必迎道左故云

改亭集卷六終